

Воскресенье

22 декабрь 1940 ар

№ 95

КИРОВЕЦ

ВКП(б)-лэн
Тыловой Райкомезлэн но
Трудовой депутат'ёссылэн
Тыловой Районной
Советсылэн
органы

6-ти арзэ потэ
Дуныз 5 копейка

Тулыс ю кизёнлы дасяськоно жог но зеч

П. Ившин

Райзолэн гл. агрономез

1940 арын асьме районсь колхоз'ёс сельскохозайственной уж'ёсты ортчотонь но колхоз'ёсты юнматонь шодскымон азинскон'ёс бастызы. Тулыс ю кизён орчтытэмын вакчи дыр куспын выли агротехнической уровеньн. Кизем ю нянез утялтон но урод ой вал организовать каремын.

Тини соин валче Яг, „Планета“, Орехово, „Красная“ колхоз'ёс но мукет'ёсыз котькуд гектарысь быдэн 16 центнер но солэсь ятыр урожай бастыны быгатызы. Соос утвердить каремын 1941 арын Всесоюзной Сельскохозайственной Выставкын участвовать карыны кандидатэ.

Таин чош ик куд-ог колхоз'ёс сельскохозайственной уж'ёсты урод быдэсты. „Заря“, „Кр-Ита“, „Нов-Городок“, Кировлэн нимыныз нима колхоз'ёс кизёнэз но ю-нянез октонэз кемалы жегатызы. Кизем ю-нянез утялтон но ю-нянез ыштон'ёсын нюр'яськон организовать карымтэ вал. Соин сэрен та колхоз'ёс котькинлэсь ичи урожай бастызы.

Туэ арлэсь сельскохозайственной уж'ёссыз йылпум'яса, колхоз'ёс дасясько 1941 арын тулыс ю кизён азелы. Но та дасяськон та вакыт урод организовать каремын. Райзо, МТС ёс, сельсовет'ёслэн исполком'ёссы но колхоз'ёс тулыс ю кизёнлы жог но умой дасяськыны кулэлэсь значениз валатэк, дасяськон ужен кивалтонэз асьсэ кие ёз на бастэ. Ю кидыс кыстон план районьн быдэсак быдэстэмын ке но, куд-огез колхоз'ёс ёз на быдэстэ. Новый „Городок“, „Кр-Приуралье“, „Кр-Заря“, „Общий Труд“ колхоз'ёс али но кидыс тырмыт ёз на кыстэ.

Тулыс ю кизёнлы дасяськоньн гызмылтэмез азыланьн но кызы чиданы уг луы.

Ужпум тужгес ик урод клевер но етин кидыс кыстонэн. План 40 — 59 процентлы сяна быдэстэмын ёвл. Нош „Кр-Приуралье“, „Власть Советов“, „Динамо“, „На Страже“ колхоз'ёс етин но клевер кидыс одйг процент но ёз на кыстэ.

Кидыс фонд'ёсты контрольной семенной лабо-

раториосын эскерон но озы ик туж кален мынэ. 15 декабрь азелы семенной фонд'ёс тысё юослэсь 35 процентэз, етин кидыс 52 процентэз, клевер кидыс 40 процентэз сяна эскеремын ёвл.

1941 арын сортовой кидысэн гинэ кизён понна, али ик орчтытоно сортовойтэм кидысэн сортовой кидысэн вош'янез. Нош та уж борды али но кутскемын ёвл.

Урод мынэ сельскохозайственной инвентарез но машинаосты тупат'ян. „Власть Советов“, „Трактор“ колхоз'ёс но мукет'ёсыз ремонт уж борды ёз на ик кутскылэ.

Удм. АССР-лэн Совнаркомезлэн ВКП(б) лэн Обкомезлэн туэ сельскохозайственной арлэн итог'ёсыз но 1941 арын тулыс ю кизёнлы дасяськон задачаос сярэсь постановленизы Советской партийной но земельной орган'ёсты обяывать каре тулыс ю кизёнлы дасяськон'я решительной ужрад'ёс кутыны, нимаз ужрад'ёслы конкретной срок'ёс тупатызы.

Чик жегатскытэк быдэстоно вань культураослэсь кидыссэс семфондэ кыстонэз, соосты сортировочной машинаос пыр лэзёно, кидысэз тупатэм кондицозь вуттыса. Колхоз'ёсысь ваньзэ сортировочной машинаосты быдэс сутка чоже дугдылытэк уже куттоно, кидысэз сортировать каронэз 1 мартозь быдэстон вылысь.

Огез но колхозной кузница машинаосты тупат'ян ужлэсь палэнын медам улы. Котькудизлы кузница лы машинаосты тупат'янез 1 апрель азелы быдэстон вылысь график лэсьтэмын лучыны кулэ.

Кидысэз но инвентарез дасямен чош ик люконо интыысь удобренности, ваёно минеральной удобренности. Уг яра ни азывыл сямен интыысь удобренности кытчы шедем отчы куяны.

Первичной партийной но комсомольской организациослэн, сельсовет'ёслэн Исполком'ёссылэн но колхоз'ёслэн задачазы — тулыс ю кизёнлы жог но умой дасяськон, 1941 арын вань культураослэсь выли урожай бастон понна социалистической соревнованиез но стахановской движениез паськыт влмытыны, ВСХВ-ын участвовать карысьлэсь опытсэ паськыт влмытыны.

Карело-Финской ССР-ысь трудящойёслэн депутат'ёссылэн интыысь Совет'ёсазы

БЫР'ЁН'ЁС СЯРЫСЬ ПРЕДВАРИТЕЛЬНОЙ ДАННОЙЁС

Петрозаводск, 16 декабря. (ТАСС). Карело-Финской ССР-лэн Верховной Советэзлэн Президиумениз окружной избирательной комиссиослэсь общей данной'ёс бастэмын 1940 арын 15 декабря трудящойёслэн депутат'ёссылэн районной, городской, город'ёсысь районной, сельской но поселковой Совет'ёсазы быр'ён'ёслэн итог'ёсы сярэсь.

Бырийськон'ёс кутскизы чукна чап к 6 часын.

Трудящойёслэн депутат'ёссылэн интыысь Совет'

ёсазы быр'ён'ёс'я окружной избирательной комиссиослэн ивортэмзыя, 15 декабря нуназе бере 4 час азелы ваньмаз район'ёсын, город'ёсын, селоосын но поселок'ёсын избирательёс ваньмыз сямен голосовать карызы. 15 декабря 12 часэ уйин голосование йылпум'ясыз.

Окружной избирательной комиссиослэн предварительной данной'ёссыя избирательёслэн ог'я лыдыз пöльсь 98 процентлэсь тросэз голосовать карызы.

Окружной избиратель-

ной комиссиослэн ивортэм'ёссыя быр'емын ваньмыз 5699 депутат'ёс, соос пöльсь: районной совет'ёсы — 739 депутат'ёс, городской Совет'ёсы — 627 депутат'ёс, город'ёсысь районной Совет'ёсы — 152 депутат'ёс, сельской Совет'ёсы — 3934 депутат'ёс но поселковой Совет'ёсы — 247. Ваньмыз районной городской, город'ёсысь районной, сельской но поселковой Совет'ёсы быр'ем депутат'ёс луо коммунист'ёслэн но беспартийнойёслэн блоксылэн кандидат'ёсыз.

ВЫЛЬ СОВЕТСКОЙ РЕСПУБЛИКАОСЫН НО ОБЛАСТЬЕСЫН БЫР'ИЙСЬКОН КАМПАНИЯ

Украинской ССР-лэн западной областёсысьтыз трудящойёслэн депутат'ёссылэн интыысь Совет'ёсазы БЫР'ЁН'ЁС СЯРЫСЬ ПРЕДВАРИТЕЛЬНОЙ ДАННОЙЁС

Киев, 16 декабря. (ТАСС). Украинской ССР-лэн Верховной Советэзлэн Президиумениз окружной избирательной комиссиослэсь общей данной'ёс бастэмын трудящойёслэн депутат'ёссылэн 1940 арын 15 декабря Волынской, Дрогобычской, Львовской, Ровенской, Станиславской но Тернопольской областёсын интыысь Совет'ёсазы быр'ён'ёслэн итог'ёсы сярэсь.

Бырийськон'ёс кутскизы чукна чапак 6 часын.

Трудящойёслэн депутат'ёссылэн интыысь Совет'ёсазы быр'ён'ёс'я окружной

избирательной комиссиослэн ивортэмзыя Волынской, Дрогобычской, Львовской, Ровенской, Станиславской но Тернопольской областёсын, селоосын но поселок'ёсын 15 декабря нуназе бере 4 час азелы избирательёс ваньмыз сямен ик голосовать карызы.

Голосование йылпум'ясыз 15 декабря уйин 12 час азелы.

Окружной избирательной комиссиослэн предварительной данной'ёссыя избирательёслэн ог'я лыдыз пö-

льсь 98 процентлэсь тросэз голосовать карызы.

Окружной избирательной комиссиослэн ивортэмзыя, быр'емын: 458 депутат'ёс — областной Совет'ёсы, 7179 депутат'ёс — районной Совет'ёсы, 4762 депутат'ёс — городской Совет'ёсы, 842 депутат'ёс — город'ёсысь районной Совет'ёсы, 1697 депутат'ёс — поселковой Совет'ёсы но 64.072 — сельской Совет'ёсы.

Интыысь Совет'ёсы быр'ем депутат'ёс ваньмыз луо коммунист'ёслэн но беспартийнойёслэн блоксылэн кандидат'ёсыз.

Англичан'ёс Саллумез но Капуццо фортэз бастызы

Лондон, 17 декабря. (ТАСС). Официально ивортэмзыя, английской войскоос толон бастызы Саллумез (Ливииен граница бордысь египетской порт) но Капуццо фортэз (Египетэн граница бордысь ливийской пункт). Отысь муз'ем вылын сылысь кöня ке самолет'ёс бастэмын.

„Джорнале д'Италия“ Северной Африкаын английской армилэн лыдыз сярэсь

Рим, 17 декабря. (ТАСС). „Джорнале д'Италия“ газетлэн ляд'ям'ёсыз'я, английской командование Северной Африкае 300.000 мурт'ем армизэ люказ. Армиез ваемын Британской империлэн пöртэм люкет'ёсысьтыз. Озы ик татчы люкамын 800 танк'ёс но броневтомобильёс.

Итало-греческой война

Афины, 17 декабря. (ТАСС). Татчы ивортэмзыя фронтлэн пöртэм участок'ёс аз тлон местной значение бастысь операциос азинлыко мынызы. Греческой войскоос кöня ке азылань мынызы шуыса пус'емын.

Грещилэн внутренней район'ёс аз итальянец'ёс тлон одйг надет но ёз лэстылэ.

Нью-Йорк, 17 декабря. (ТАСС). Американской печат'ялэн ивортэмез'я, греческой войскоос, ульчаосын рукопашной бойёс нуыса, тлон Тепеленеэз копаксэ бастызы. Отын жугиськон'ёс лумбыт кыстыськызы. Итальянец'ёс чигнало городысен север пала, Требесина гурезьёс вамен орчтысь сюрес кузя. Кыкелэн ик трос калыксы быремын.

Южной фронтын греческой войскоос Валоналэн юг паласьтыз 25 миль кемысь Химара портэз бастызы. Куазь туж лымыа ке но, греческой войскоос ялан

азылань мыно.

Греческой правительстволэн представителез вераз, что Химара но Тепелене-Скивовик гурезь куспысь важнейшой стратегической пунктэз итальянской войскоос 7 пол бастыны туртскизы ни, грек'ёс сое ваньзэ ик дулыг'язы. Итальянец'ёслэн отын трос калыксы бырыз.

Северной фронтын одйг итальянской отряд Охрид озеролэн районысьтыз гурезьёсы аслэсьтыз позицияоссэ туж юнматыз, со али но отын возиське на.

Итальянской передовой пост'ёс вылэ атакаос нуыса, грек'ёс татысь кöня ке выль пункт'ёсты бастызы.

Английской самолет'ёс Валонаез бомбардировать каронэз кужмоятызы. Греция английской бомбардировщик'ёслы но истребительёслы выль пополнение вуиз. Толон чукна грек'ёс Поградец дорысь одйг гурезь йылэз атаковать карызы.

Ми но умой пудо вордом

„Красный путь“ колхозысь колхозник'ёс бад'ым мылкыдын обсудить каризы „Ударник“ колхозлэн (Якшур-Бодьинской район) фермаосаз ужасьёслэсь вазиськемзэс.

Собрание решение кутыз: Умоятны пудо вордонэз. Пудоосты сюдоно тупатэм рацион'я но сионзэс парыса дасялоно. Таин валче вал'ёслэсь, скал'ёслэсь, ыж'ёслэсь но парсьёслэсь тырлыкэс умоятноно, бюджетно скал'ёслэсь йол кысконэз. Скал'ёсты нимаз-нимаз сюдылоно, луло вэссэс но продуктивностьэс лэдэ басьтыса. Азланьын фермаись пудо оgez но медам кулылы. 1940—1941 арын вордскем пинал пудоез кулылбиллэсь утялтоно. Пудо сионэз ваньзэ животноводлы но старшой конюхлы сётыса быдэстоно. Азланьын лэзёно ёвёл пудо вордоньн ужасьёсты чем вош'яны, соосты ужан участказы закрепить кароно.

„Ударник“ колхозысь колхозник'ёслэсь вазиськемзэс обсуждать карыса, „Красный путь“ колхозысь скотницаос, дояркаос но конюх'ёс асьсэ вылэ конкретной обязательствоос басьтызы.

Мон кыл сётиско,—шуэ доярка Евдокия Ивановна Григорьева,—„Майка“ но „Золотая“ кличкаё скал'ёслэсь, нуналлы куинь полкысыса, сутка чоже быдэн 10 литра йёл кыскыны.

Вал'ёсты чебертскытыны, чылкыт сузяса возён вылысь обязательство басьтитиз старшой конюх Трефилов эш но. Уката ик умой возё, шуэ со, фондовой вал'ёсты.

С. Осотов.

Дасяськелэ каникулэз ортчытыны

1940—41 дышетскон арлэн нырысетй полугодиез быре ини. Асьсэлэсь жыны ар дышетскемзэс йылпум'яса, школаись пионер'ёс но дышетскисьёс 1-ти январьсен 12-ти январозь каникулэ потозы.

Та каникулэз умой орччылт понна, котькуд школары каникулэз орччылтон сярысь план тупатноно. Пинал'ёслы сюлмаськоно куас'ёс, конькиос, салазкиос дасян сярысь. Пионерской но комсомольской организациослы малпанно ёлкаос, вечер'ёс но постановкаос орччылт'ян сярысь. Школа пуш'ёсты чебер'ян, школа котырез сузян, плакат'ёс, лозунг'ёс гож'ян бордын дышетскисьёс сюлмо мед ужалозы.

Котькуд пиналлы каникулэз умой орччылтон сярысь умой-умой малпаськоно. Каникул дыр'я школаын коркан дырез орччылтоно ёвёл, потонно педло, гурезе, йёл вылэ, нюлэскы. Дышетскисьёс дырез оген-оген медаз орччыл'ялэ, огазын организованно мед орччыл'ялозы.

Каникул дыр'я тужгез ик умой пунктэмын луны кулэ военно-физкультурной уж. Орччылтоно военно-физкультурной шудон'ёс. Организовать кароно БГТО но ГТО значек'ёслы толалтэ нормасты сётонэз. Орччыл'яно куас вылын вылазкаос, соревнованиос. Пинал'ёс мед ужалозы капчи уж'ёсты но: школаын но гуртын пу вандово, сюрес сузял'яно, каток'ёс лэсьтоно. Гуртын бубы-мумыослы но юрттоно. Шутэтскелэ, пинал'ёс, умой, шулдыр!

Дасялэ кужымдэс отлично дышетскыны!

Асьме районамы котькуд школаосын каникулэз орччылтон сярысь уж кутскемын ни. Умой дасяськон мынэ Уйвайской но Л-Селянской НСШ-осын. Пинал'ёс асьсэос план лэсьтоннын участвовать каро, чектон'ёс сёто, каникул дырзэс мёзмытэк, шулдыр орччылтыны малпало.

Нош таин чош ик вань сыче школаос, куд'ёсыз али но каникул сярысь уг малпало, план'ёс лэсьтымтэ (Шудзялуд, Зюзино, Сурон но мукет'ёсыз). Та школаослы кылёно ёвёл, умой дасяськисьёсты уёно.

П. Веселков.
РОНО-лэн инспекторез.

Художественной самодеятельностьлэн нырысетй Белостокской олимпиадазэ.



Олимпиадалэн участницаосыз—Ломжа городысь 3 номеро польской средней школа-лэн 5-ти классаз дышетскисьёс (паллянысен буре) — Крестина Ленжежевская но Нина Сливанская испанской эктонэз экто.

ТАСС-лэн Фото-Клишеез.

Кировецлэн сигнал'ёсыз'я

„Школаосын дисциплинаез юнматонно“

Таёе заголовокен „Кировец“ газетлэн 4 декабре потэм номераз С. Кудринлэн заметкаез потэмын. Та заметкаын верамын вал Тыловайской средней школаын тырмымтэос сярысь. Школалэн педагогической коллективез та заметкаез обсудить карыса вывод лэсьтэ: Кудринлэн заметкаез гожтэмын йыркурен. (Со озьы овол, Кудринлэн заметкаез элмаз—редакция) Анатолий Трофимович Константинов эш Тыловайын 15 ноябрьсен гинэ ужа, успеваемостьлы учет нуымтэ понна со виноват ёвёл, мукет дышетисьёслэсь виноватэс, заметкаын со вылэ пёнэмын. Школаын чылкытлык ёвёл сярысь Кудринлэн заметкаез шонер. Кудрин заметкаез районной газетэ сётыз школалэн дирекциониз согласовать карытэк. Редакция школалэн дирекционезлэсь заметкалы таёе ответ сётэмэз мыдлань луэ шуыса лэд'я. Школалэн дирекционез дышетскись пинал'ёслы заметка гож'ян сярысь мыдлань валэктэ, заметкаез

директорлы возыматэек редакции ыстыны уг ярашуыса.

Мыдлань союз но, заметкаын верам тырмымтэосты жог быдтон борды кутскем интые, дирекция туртске доказать карыны, что заметка йыркурен гожтэмын. Факт'ёс верало зэм шуыса. Учет ой вал, чылкытлык ёвёл, бордгазет шер потылэ. Бордгазет али „Кировец“ потэм заметка бере лотыз. Успеваемостьлы но учет али гинэ нуыны кутскемын. Зэм, А. Т. Константинов эшез со понна обвинять карыны уг луы, со выльыктэм адыми. Нош учет понна дирекция сюлмаськыны кулэ вал ук.

Заметка шараяз на мукет фактэз, что школаын буш урок'ёс трос луыло. Тини соку дышетскись пинал'ёслэсь занятизэс организовать каронлы саклык уг вис'ясыкы. Дышетскись пинал'ёс сыче урок'ёсты шудыса гинэ орччылто. Соин сурен успеваемость школаын улийн. Таёе тырмымтэез школары тупатолань на.

Эш'ёс, колхозник'ёс, колхозницаос но служащейес, дыртэлэ гожкыны „КИРОВЕЦ“ Районной газетэз басьтыны

Подписка кутыське 1941 арлы Газет толэзьлы 8 пол потэ.

Гожтиськон дуныз:

Быдэсак 1941 арлы 5 манет но 40 к.
6 толэзьлы 2 манет но 70 копейка
3 толэзьлы 1 манет но 35 копейка
Одйг толэзьлы 45 копейка

Подписка кутыське Союзпечатьлэн райбюроеныз (связьлэн районной контораз) но ваньмыныз сельписьмоносец'ёсын.

Завучлэн заметкаосыз

Классэн вискарытэк нуналмысь ужан умоесь резульят'ёс сётэ. Куд-огез дышетисьёс - классовод'ёс классэн кивалтонэз ответственной задачаен ик уг лэд'яло. Классовод ас классаз шер ке пыралля, уг ке тыршы пинал'ёслэн кыче тырмымтэзы ванез тодыны, мумы-бубыосынызы уг ке герзаськы, отын котьку ик дисциплина урод луэ, гуртэ сётэм заданиосэс уг быдэс'яло, дышетсконын бере кылисьёслэн лыдзы луэ трос.

Та тырмымтэос уз луэ, классовод нюр'ясыкыз ке ужан планэзлэсь котькуд пунктэз быдэстон понна.

Милям школаямы азымынись классэн луэ VII класс, классовод Антонида Федоровна Васильева. Ужан план лэсьтыкуз котькуд пунктэз со умой-умой малпа, эскере кыче пунктэз быдэстыны луоно. Антонида Федоровна аслэсьтыз дышетскись пинал'ёссэ чукналы быдэ пумиталля, соосын беседовать каре, гуртэ сётэм заданизэс

быдэстыны быгатымтэосызлы юрттэт сётэ. Одйг нунал но со дышетскись пинал'ёссэ пумитатэк но келятэк уг кельты, перерывлы быдэ соосын беседовать каре. Дышетскись пинал'ёс Антонида Федоровнаез ярато. Урокын котьку ик чалмыт пуко, кылзисько умой. „Гуртэ бертэм ик уг поты, ялан школаын дышеткысалмы“ шуо пинал'ёс.

Нош ведэ азывыл та классын ик вал дезорганизатор'ёс но дышетсконын бере кылисьёсыз. Арнялы быдэ ог 10—12 уродэс отметкаос басьтыло вал. Кылсярысь Николай Ложкин урод дышетске вал, люкетылыз мукет'ёсызлы но дышетскыны. Нош комсомолэ пырем бераз со ик тупатскиз.

Классовод озьы ик дышетскись пинал'ёслэн квартирасазы ветлылэ. Пинал'ёслэн мумы-бубыосынызы со герзаськыса ужа, соосты школалэн ужаз кыске.

Классовод Васильева эш планаз пус'из таёе тема-

ос'я доклад лэсьтыны: Финляндиян мирной договор гожтэм сярысь, учебник бордын ужан, Советской правительстволэн мирной политикаезлэн значениез. Та планэз со уж вылын быдэс'я ни.

Дышетскись пинал'ёслэн активносты соку луэ, ку классовод ачиз но общественной уж нуэ, дышетскисьёсты но кыске. Соку дышетскись пинал'ёс дышетскыны но общественной ужын но активной луыны тыршо.

VII классын дышетскисьёс художественной выступление дасязы но Бородулиноын выступать карызы. Отын соос пунктэзы инсценировкаос, кырзасы, актэзы. Выступленизылэсь азывыл „школа но семья“ темаен доклад лэсьтэмын вал. Дышетскись пинал'ёслэн выступленизы мумы-бубыосылы но учкисьёслы туж яраз. Али дышетскисьёс гожтиськыло 1941 арын детской олимпиадаын участвовать карыны, лэдэ басьто кин ма дасялоз.

VII класс VI класс'ёсын

чошатске умой дышетскон понна. 12 декабре VII класслэн комиссияез соревноваться карыськись класс'ёслэсь чылкытлыкэ эскериз. Нош VII-классын котьку луэ чылкыт. Со дышетскисьёсты дышетэ чылкыт улыны но аккуратной луыны. Татын арнялы быдэ бордгазет потэ, возыматисько умой дышетскисьёслэн примерзы. Бордгазет озьы ик организовать каре бере кылысьёсызлы юрттонэз.

Котькудиз школа, котькудиз классовод дышетскисьёслэн мумы-бубыосынызы юн герзаськыса улыны кулэ. Вунэтноно ёвёл—воспитать карисен луэ не только школа, озьы ик мумы-бубыос но.

Верам потэ нылпиосэс воспитать каронлы умой относиться карыськись бубы-мумыосы. Тани вералом Чермянинэз. Со аслэсьтыз нылпиосэз ноку уг жугылы, пинал'ёсыз азын лек уг куареты. Солэн нылыз Валентина VI классын дышетске, луэ примерной ученица, бере кылись дышетскисьёслы ялан юрттэ. Валья дышетске отличнолы

гинэ. Умой дышетскемез понна четвертьлы быдэ премиос сётыло. Вальян бубиз Чермянин школаен кусыпсэ герзаса возе.

Таин чош ик вань сычеосыз бубы-мумыос, куд'ёсыз школалэн уженыз но пиналзылэн дышетскеменыз пичи но интересоваться уг карыско. Тани милям III классын дышетске Рубцова Валья. Со чем дыр'я урок'ёсты кельтылылэ, ляб дышетске, нош бубиз Рубцов одйг урэке но ёз ветлы, нылыз школае уг ке номыны номыр уг куареты.

Куддыр таёе дыр'я школа но янгыш луэ, уг быгаты мумы-бубыосы школае кыскыны. Котькуд школа мумы-бубыосын юн герзаськыны кулэ, соосын орччылтоно беседаос, лекциос, доклад'ёс, отылоно урок'ёсы, гуртазы мыныса беседовать карылоно. Ваньзэ таосты орччылтон юрттоз школаын успеваемостез но жугыны. А. Н. Конькин.

Лып-Селянской НСШ-лэн завучез.

Отв. редактор Ф. Г. КОЖЕВНИКОВ.